

«ՀԱՍԱՐԱԿԱԳԻՏՈՒԹՅՈՒՆ»

ԱՌԱՐԿԱՅԻ ՉԱՓՈՐՈՇԻՉ

(8-9-րդ դասարաններ)

Բ Ա Ց Ա Տ Ր Ա Գ Ի Ր

Հասարակագիտության առարկայական չափորոշչի մշակման համար հինք են ծառայել <<Կրթության մասին>> ՀՀ օրենքը, «Հանրակրթության մասին» ՀՀ օրենքը և Հանրակրթության պետական չափորոշիչը:

Հասարակագիտության չափորոշիչը ներառում է՝

- հասարակագիտության հայեցակարգը, որում ներկայացված են այն սկզբունքները, հարցադրումներն ու հիմնադրույթները, որոնք կողմնորոշիչ դեր ունեն կրթության բովանդակության մեջ հասարակագիտության դերն ու գործառնությունները որոշելու և կրթության իրականացումն ապահովող անհրաժեշտ նյութերը՝ չափորոշիչները, ծրագրերը, ձեռնարկները մշակելու համար,
- առարկայի ուսումնական նպատակները,
- առարկայի բովանդակային պարտադիր միջուկը,
- ուսումնական գործունեության տեսակները, որոնք ուսուցման գործընթացում ըստ նպատակահարմարության կարող են ընտրվել և կիրառվել ուսուցչի կողմից,
- սովորողների պատրաստվածությանը (գիտելիքներ, կարողություններ, հմտություններ) ներկայացվող պահանջների և արժեքային համակարգի նկարագրությունները, ընդ որում՝ գիտելիքներին, կարողություններին և հմտություններին վերաբերող պահանջները ներկայացված են երեք՝ Ա, Բ, Գ խմբերով, որոնք համապատասխանում են՝ Ա - նվազագույն, Բ - միջին, Գ - բարձր պատրաստվածությանը,
- գրականության ցանկ:

Հ Ա Յ Ե Ց Ա Կ Ա Ր Գ

Հանրակրթության պետական չափորոշչի համաձայն՝ «Հասարակագիտություն» ուսումնական առարկան «Հասարակական գիտություններ» ուսումնական բնագավառը ներկայացնող պարտադիր ինտեգրված առարկա է հիմնական դպրոցի 8-9-րդ դասարանների և ավագ դպրոցի 10-12-րդ դասարանների համար: «Հասարակագիտություն» ինտեգրված առարկան միջին դպրոցում ներառում է նախնական գիտելիքներ փիլիսոփայությունից, իրավագիտությունից, բարոյագիտությունից, գեղագիտությունից:

Հանրակրթության նպատակների և կրթական բարեփոխումների խնդիրների տեսանկյունից կարևոր են այն հիմնադրույթները, որոնք կողմնորոշիչ դեր կունենան կրթության բովանդակության մեջ հասարակագիտության դերն ու գործառույթները որոշելու և կրթության կազմակերպմանն անհրաժեշտ նյութերը (չափորոշիչներ, ծրագրեր, ձեռնարկներ) մշակելու համար: Այդ առումով ելակետային նշանակություն ունի հասարակագիտության կրթական ներուժի բացահայտումը, ինչպես նաև հասարակագիտության կրթական հիմնախնդիրների հստակեցումն ու լուծման եղանակների ուրվագծումը:

Ժամանակակից աշխարհում մի շարք համընդհանուր հիմնախնդիրներ լուծելու տեսանկյունից ավելի ու ավելի է կարևորվում հասարակագիտություն ուսանելու անհրաժեշտությունը հանրակրթական դպրոցում:

Հայաստանի Հանրապետությունում տեղի ունեցող ժողովրդավարացման գործընթացները պահանջում են քաղաքացիական այնպիսի որակների դաստիարակում, ինչպիսիք են սեփական իրավունքների ու պարտականությունների գիտակցումն ու իրականացումը, դրական մասնակցությունն ու առաջնորդությունը, հասարակության իդեալներին հասու լինելու և դրանց համար պայքարելու կարողությունն ու ցանկությունը և այլն: Ժողովրդավարական հասարակության քաղաքացիներն իրենք պետք է լինեն սեփական կրթության պատասխանատուները, պետք է կարողանան դնել համապատասխան նպատակներ ու հասնել դրանց, պետք է ի վիճակի լինեն արժևորել իրենց տեղն ու դերը հասարակության մեջ և կատարել այն գործառույթները, որ հասարակությունն իր հերթին կակնկալի նրանցից: Ժողովրդավարական հասարակության քաղաքացիներ կրթելու այս և մի շարք այլ նպատակների հասնելու տեսանկյունից խիստ կարևոր է հասարակագիտության կրթական նշանակությունը:

Հասարակագիտությունը, իր մեջ ներառելով գիտելիքներ մի շարք կարևոր բնագավառներից, օժտված է վիթխարի կրթական ներուժով, քանի որ այն առարկա է, որ ձևավորում է մարդու աշխարհայացքը, մտածելակերպը, արժեքային համակարգը, ինչպես նաև վերաբերմունքն իր և այլոց հանդեպ: Հասարակագիտության ուսուցումը ապագա քաղաքացուն հնարավորություն կտա իր առջև ծառանալիք խնդիրների պատասխանը որոնել ոչ թե տարերայնորեն, տեղեկատվական հեղեղի ճնշման ազդեցությամբ, այլ՝ օգտագործելով այն բոլոր հմտությունները, գիտելիքները և արժեքային մոտեցումները, որ նրա սեփականությունն են դառնալու դպրոցական նստարանից:

ԱՌԱՐԿԱՅԻ ՌԻՍԻՄՆԱԿԱՆ ՆՊԱՏԱԿՆԵՐԸ

1. Հասարակագիտությունը հանձին իր կարևորագույն բաղադրիչի՝ փիլիսոփայության, ունի հազարամյակների պատմություն: Մյուս բաղադրիչները (բարոյագիտություն, գեղագիտություն, իրավագիտություն, տնտեսագիտություն, քաղաքագիտություն) աստիճանաբար առանձնացել են փիլիսոփայությունից՝ ավելի ու ավելի կարևորվելով ժամանակակից հասարակության պայմաններում: Տարբեր դարաշրջաններում հզորության են հասել այն քաղաքակրթությունները կամ ժողովուրդները, ովքեր կարողացել են ստեղծել կենսահաստատ փիլիսոփայական հզոր համակարգեր: Իսկ ժամանակակից աշխարհի ճգնաժամը հաճախ բացատրվում է այսօրվա իրողություններն ու պահանջները արտացոլող համակողմանի հասարակագիտական համակարգերի բացակայությամբ: Վաղուց արդեն գիտակցված իրողություն է, որ ժողովրդավարական հաստատությունների կառուցվածքն ու օրենքները կարող են լինել շատ լավը, սակայն եթե մարդիկ չունեն կամ չեն ստեղծում «ժողովրդավարական սովորույթներ», ժողովրդավարությունը կմնա լոկ որպես գաղափար: Այդ առումով շատ մեծ է հասարակագիտության դասավանդման նշանակությունը, քանի որ այստեղ է, որ սովորողը պետք է իր մեջ ձևավորի արժեքների, մոտեցումների, հմտությունների ու գիտելիքների այն համակարգը, որն իրականություն կդարձնի ժողովրդավարությունը:

2. Հասարակագիտության ուսումնասիրումը սովորողներին կօժտի ինքնուրույնությամբ, որի շնորհիվ ուսուցումը ոչ թե կընկալվի որպես պարտադրանք, այլ՝ որպես յուրաքանչյուր մարդու հնարավորությունները մեծացնող գործոն: Հասարակագիտության դասավանդման արդյունքներից մեկը կլինի այն, որ անձնային հարթության մեջ նրանք կհասկանան իրենց անհատականության զարգացման գործում իրենց իսկ անփոխարինելի դերը:

3. Հասարակագիտությունը, հատկապես քաղաքացիական կրթության բաղադրիչի շնորհիվ, կնպաստի ժողովրդավարական հասարակության քաղաքացու ձևավորմանը, ժողովրդավարության հիմնարար արժեքների յուրացմանն ու, այդ ամենի արդյունքում, քաղաքացիական հասարակության ձևավորմանը:

4. Իրավական գիտելիքները որպես հասարակագիտության կարևորագույն բաղադրիչ հնարավորություն կտան տարբերակել իրավունքի հետ առնչվող խնդիրները, հասկանալ դրանց իրավական ու ոչ իրավական լուծումների տարբերությունը, յուրացնել ու գնահատել օրենքների և օրինականության նշանակությունը: Ի վերջո՝ դառնալ իրավագիտակից, օրինապաշտ և ակտիվ քաղաքացիներ:

5. Հասարակագիտության ուսուցումն արդի հասարակական իրողությունների հրամայական պահանջն է, քանի որ այն անչափ կարևոր են նոր հասարակական հարաբերությունների ձևավորման համար: Գործնական առումով շատ կարևոր է, որ սովորողներն ի վիճակի լինեն նախագծեր իրականացնել, որոնք-գտնել համայնքին հուզող խնդիրներ, առաջարկել դրանց լուծման ուղիներ ու հետամուտ լինել այդ ամենին: Գործնականում կարևոր է, որ սովորողների մեջ ձևավորվեն ակտիվ քաղաքացիության դիրքորոշում, իրավունքները պաշտպանելու, ինչպես նաև պատաս-

Խանութությունն իրականացնելու կամք և հմտություններ: Այդ ամենի արդյունքում սովորողները օժտված կլինեն իրականությունն ինքնուրույն վերլուծելու, սեփական մոտեցում և գործողություններ մշակելու կարողությամբ:

ԱՌԱՐԿԱՅԻ ԲՈՎԱՆԴԱԿԱՅԻՆ ՊԱՐՏԱԴԻՐ ՄԻՋՈՒԿ

Ա. Հասարակագիտության ներածություն

Բնություն, մարդ և հասարակություն: Հասարակությունը և բնության պահպանությունը:

Մարդու հիմնական հատկությունները: Անհատ, անձ, անհատականություն: Մարդու սեռը. սեռային դերեր և տարբերություններ: Մարդու տարիքը. մանկություն, պատանեկություն, երիտասարդություն, հասուն տարիք և ծերություն: Աշխարհընկալումը տարբեր տարիքներում: Հարգանք տարբեր սեռի ու տարիքի մարդկանց հանդեպ: Մարդը որպես արժեք:

Մարդը որպես բանական էակ: Գնահատության աստիճանները. զգայություն, ընկալում, մտապատկեր, հասկացություն, դատողություն և մտահանգում: Կարծիք, փաստ, գիտելիք, հանոգմունք:

Մարդը որպես հասարակական էակ: Գաղափար հասարակական կյանքի ոլորտների մասին: Տնտեսության դերը հասարակական կյանքում:

Փոքր և մեծ խմբեր: Ընտանիք և հասարակություն: Սեր, ընկերություն: Մշակույթ: Ինքնություն: Հաղորդակցություն: Հաղորդակցման դժվարությունները: Արդյունավետ հաղորդակցում: Հաղորդակցության ժամանակակից միջոցներ:

Գաղափար արժեքների մասին: Մարդը որպես արժեք: Մնայուն և անցողիկ արժեքներ: Հոգևոր և նյութական արժեքներ: Գեղեցիկն ու բարին որպես արժեք:

Համամարդկային արժեքներ: Ազատություն: Հանդուրժողականություն: Արդարություն: Պատասխանատվություն: Առողջություն:

Բ. Մարդու իրավունքներ

Մարդու իրավունքներ հասկացությունը: Մարդու իրավունքներ և ազատություններ: Մարդու իրավունքների բարոյական հիմքերը: Մարդու իրավունքների և ազատությունների իրավական բնույթը: Մարդու իրավունքներ հասկացության ծագումը և իրավունքների «սերունդները»: Իրավունքների, պարտականությունների և պատասխանատվության կապը:

Անհատ և պետություն: Քաղաքացիություն հասկացությունը: Մարդու իրավունքների և ազատությունների պաշտպանության` պետության պարտականությունը: Մարդու իրավունքներին վերաբերող միջազգային հիմնարար փաստաթղթեր: ՀՀ Սահմանադրությունը` որպես մարդու իրավունքների աղբյուր:

Մարդու և քաղաքացու իրավունքներն ու ազատությունները: Մարդու քաղաքացիական իրավունքներ ու ազատություններ. հասկացությունը և էությունը: Մարդու քաղաքացիական իրավունքներն ու ազատությունները և մարդասիրական ու բարոյական արժեքները:

Քաղաքական իրավունքներ ու ազատություններ. հասկացությունը և էությունը: Քաղաքական իրավունքների ու ազատությունների պաշտպանությունը:

Մարդու և քաղաքացու տնտեսական ու սոցիալական իրավունքներ. հասկացությունը և էությունը:

Մարդու մշակութային իրավունքներ. հասկացությունն ու էությունը: Մշակութային իրավունքները որպես մարդու հոգևոր զարգացման երաշխիք:

Առանձին խմբերի անձանց իրավունքներ: Երեխայի իրավունքները: Երեխայի իրավունքների մասին ՄԱԿ-ի Հռչակագիրը և Կոնվենցիան: ՀՀ Սահմանադրությունը Երեխայի իրավունքների մասին, «Երեխայի իրավունքների մասին» ՀՀ օրենքը:

Կանանց իրավունքները: Կանանց իրավունքների ամրագրումը ՀՀ օրենսդրության մեջ և միջազգային փաստաթղթերում: Կանանց և տղամարդկանց իրավահավասարությունը: Մայրության պաշտպանությունը:

Հաշմանդամների իրավունքները: Ազգային փոքրամասնությունները Հայաստանում: Ազգային փոքրամասնությունների մասին միջազգային փաստաթղթերը:

Մարդու իրավունքների երաշխիքները. հասկացությունը և տեսակները: Մարդու իրավունքների և ազատությունների սահմանադրական ընդհանուր երաշխիքները: Մարդու իրավունքների և ազատությունների դատական պաշտպանությունը: Մարդու իրավունքների և ազատությունների սահմանադրական հատուկ երաշխիքները: Մարդու իրավունքների պաշտպանը:

Մարդու իրավունքների պաշտպանությունը և Միավորված ազգերի կազմակերպությունը: Միջազգային դատարան: Մարդու իրավունքների պաշտպանության եվրոպական համակարգը: Կարմիր խաչի միջազգային կոմիտե: Իրավապաշտպան կազմակերպություններ հասկացությունը և դրանց գործունեության ուղղությունները: Միջազգային իրավապաշտպան կազմակերպություններ: Ջանգվածային լրատվամիջոցների դերը մարդու իրավունքների պաշտպանության գործում:

Գ. Քաղաքացիական կրթություն

Ժողովրդավարություն հասկացությունը: Անմիջական և ներկայացուցչական ժողովրդավարություն: Ընտրությունները որպես ներկայացուցչական ժողովրդավարության իրականացման միջոց:

Քաղաքացիական հասարակություն. հասկացությունը, առանձնահատկությունները: Քաղաքացիական հասարակությունը և զանգվածային լրատվության միջոցները: Հասարակական կարծիքի ձևավորումը և բազմակարծության դերը քաղաքացիական հասարակությունում: Հասարակական կազմակերպությունների դերը քաղաքացիական հասարակությունում: Լոբբիզմ: Մասնակցություն և առաջնորդություն: Կոռուպցիան, դրա պատճառները և ձևերը:

Իշխանության անհրաժեշտությունը: Պետական իշխանության ճյուղերը (օրենսդիր, գործադիր, դատական): Իշխանության սահմանափակման սկզբունքները (զսպումներ և հակակշիռներ):

Տարածքային կառավարում և տեղական ինքնակառավարում: Մասնակցությունը համայնքի կյանքին: Համայնքային հիմնախնդիրներ:

ՈւՍՈՒՄՆԱԿԱՆ ԳՈՐԾՈՒՆԵՈՒԹՅԱՆ ՏԵՍԱԿՆԵՐԸ

Ուսուցման գործընթացում, կախված թեմայից, դասի նպատակից, դասարանից, քննարկվող հիմնախնդրի և սովորողների առանձնահատկություններից, առկա հնարավորություններից ու այլ հանգամանքներից, տվյալ դասի կամ դասի հատվածի համար ըստ նպատակահարմարության կարող են ընտրվել ուսումնական գործունեության հետևյալ տեսակները՝

- ուսումնական նյութի բացատրում, լուսաբանում
- ինքնավերլուծություն, գրույցներ ու հարցազրույցներ
- զանգվածային լրատվամիջոցներից ստացված տեղեկատվության վերլուծություն
- արվեստի գործերի ուսումնասիրում
- գեղարվեստական երկերի ընթերցում և քննարկում
- հիմնախնդիրների հետազոտում
- մտքերի տարափ
- դերային խաղեր
- ինտերնետի միջոցով շփում այլ մշակույթի ներկայացուցիչ հասակակիցների հետ
- հանդիպումներ հյուր դասախոսների հետ
- խաղերի, մրցույթների, հանդեսների անցկացում
- հաշվետվությունների և գրավոր հաղորդումների պատրաստում
- բանավեճ
- թեսթային աշխատանքների ու ստուգարքի անցկացում
- բարձր տեխնոլոգիաների օգտագործում, աշխատանք վիրտուալ գրադարանների հետ
- թղթապանակների պատրաստում, մեկնաբանում
- անհատական ու խմբային, ինքնուրույն և համագործակցային աշխատանքների կատարում
- նախագծերի իրականացում
- հանրօգուտ աշխատանքների ծրագրերի իրականացում
- համայնքային հիմնախնդիրների հետազոտում և այլն:

ՍՈՎՈՐՈՂՆԵՐԻՆ ՆԵՐԿԱՅԱՑՎՈՂ ՊԱՀԱՆՁՆԵՐԸ

գիտելիքներ, կարողություններ և հմտություններ

Ա. Հասարակագիտության ներածություն

Ուսումնառության արդյունքում սովորողը պետք է՝

| Թեմա | Ա մակարդակ | Բ մակարդակ | Գ մակարդակ |
|------|---|--|---|
| 1 | Ձևակերպի բնություն, մարդ և հասարակություն հասկացությունները | Հասկանա բնության, մարդու և հասարակության փոխկապվածությունը | Բացատրի մարդ, բնություն և հասարակություն հասկացությունները և դրանց փոխհարաբերությունները: |
| | Հիմնավորի մարդու գործունեության ազդեցությունը բնության վրա: | Վերլուծի մարդու և հասարակության փոխներգործությունը ժամանակակից կյանքի օրինակներով: | - Կանխատեսումներ անի բնության և հասարակության ներդաշնակության խախտման հնարավոր հետևանքների մասին: - Առաջարկի բնության և հասարակության ներդաշնակության խախտումը կանխող քայլեր: |
| 2 | - Ընդհանուր գծերով բնորոշի մարդուն: - Իմանա մարդու հիմնական հատկությունները: | - Տարբերի մարդու սեռային և տարիքային տարբերություններից բխող սոցիալական դերեր: - Հասկանա , որ տարիքի հետ փոխվում է մարդկանց վերաբերմունքը միմյանց և աշխարհի հանդեպ: | Հասկանա հոգևոր կյանքի առանձնահատկությունները: |

| | | | |
|---|--|--|---|
| | Մեռային և տարիքային խտրական վերաբերմունքի օրինակներ բերի: | Վերլուծի ժամանակակից աշխարհում առկա խտրական վերաբերմունքի դրսևորումները տարբեր սեռի և տարիքի մարդկանց հանդեպ: | Համեմատի մարդու մասին ընկալումները պատմական տարբեր ժամանակաշրջաններում և տարբեր մշակույթներում: |
| 3 | Իմանա զգայական ճանաչողության տարրերը. զգայություն, ընկալում, պատկերացում: | Տարբերակի զգայությունը, ընկալումը, պատկերացումը: | Անմիջական և միջնորդավորված մտահանգումներ կատարի: |
| | Իմանա բանական ճանաչողության տարրերը. հասկացություն, դատողություն, մտահանգում: | - Տարբերակի հասկացությունների, դատողությունների և մտահանգումների տեսակները և օրինակներ բերի: - Համեմատի բառն ու հասկացությունը, դատողությունն ու նախադասությունը: | Գործողություններ կատարի հասկացությունների, դատողությունների և մտահանգումների հետ: |
| | Զգայությունների, պատկերացումների, ընկալումների օրինակներ բերի: | Տարբերակի կարծիքը, համոզմունքը, փաստը և գիտելիքը: | Կարծիքի, փաստի, գիտելիքի, համոզմունքի օրինակներ բերի: |
| 4 | - Գաղափար ունենա հասարակական կյանքի ոլորտների մասին: - Տարբերակի հասարակական մեծ և փոքր խմբերը: | - Հիմնավորի հասարակական կյանքի անհրաժեշտությունը: - Բացատրի ինքնություն հասկացությունը: | - Վերլուծի տնտեսության դերը հասարակական կյանքում: - Հասկանա տարբեր մշակույթների առանձնահատկությունների կարևորությունը: |
| | - Բացատրի , թե ինչ է ընտանիքը: - Հասկանա ընտանիքի և | Վերլուծի բախումների առաջացման պատճառները, ունենա դրանք կանխելու հմտություններ: | - Հիմնավորի , որ ընտանիքը հասարակության հիմքն է և ընտանիքի բարեկեցությունից է կախված |

| | | | |
|---|---|---|---|
| | ընկերական միջավայրի դերը, կարողանա դրականորեն ներագդել այլ մարդկանց հետ իր հարաբերությունների վրա: | | հասարակության բարեկեցությունը: - Զարգացնի միջանձնային կոնֆլիկտը հաղթահարելու հմտություններ: |
| | Հասկանա , թե ինչ է հաղորդակցությունը և ինչու է այն կարևոր մարդկանց համար: | Թվարկի հաղորդակցության ժամանակակից միջոցներ և ներկայացնի դրանց նշանակությունը: | Զարգացնի արդյունավետ հաղորդակցման հմտություններ: |
| 5 | Հասկանա , թե ինչ են արժեքները: | Տարբերակի հոգևոր և նյութական, մնայուն և անցողիկ արժեքները: | - Վերլուծի արժեքային բախում պարունակող իրավիճակներ: - Արժեքային բախում պարունակող իրավիճակներում որոշում կայացնելու օրինակներ բերի : |
| | Իմանա , թե ինչ է ազատությունը, պատասխանատվությունը, հանդուրժողականությունը, արդարությունը: | Ազատություն, հանդուրժողականություն, պատասխանատվություն, արդարություն հասկացությունների փոխկապվածության վերաբերյալ օրինակներ բերի : | Հասկանա ազատության, պատասխանատվության, հանդուրժողականության և արդարության կապը: |
| | | Բ. Մարդու իրավունքներ, մաս 1-ին | |
| 6 | Իմանա մարդու իրավունքներ և ազատություններ հասկացությունները: | Հիմնավորի իրավունքների և պարտականությունների կապը: | - Մեկնաբանի մարդու իրավունքների միջազգայնացման էությունը: - Վերլուծի անհատի և պետության փոխհարաբերությունները: |

| | | | |
|---|---|--|---|
| | <p>- Իմանա մարդու իրավունքների բարոյական ու փիլիսոփայական հիմքերը:</p> <p>- Իմանա ՀՀ Սահմանադրության մեջ մարդու իրավունքներին առնչվող հոդվածները:</p> | <p>- Հիմնավորի մարդու իրավունքների բարոյական և փիլիսոփայական հիմքերը:</p> <p>- Ներկայացնի մարդու իրավունքներին վերաբերող միջազգային հիմնարար փաստաթղթեր:</p> | <p>- Գնահատի մարդու իրավունքների միջազգայնացման կարևորությունը:</p> <p>- Վերլուծի ՀՀ Սահմանադրության՝ մարդու իրավունքներին վերաբերող հոդվածները:</p> |
| | <p>- Իմանա մարդու իրավունքներ հասկացության զարգացման հիմնական փուլերը:</p> <p>- Տարբերակի մարդու իրավունքների <<սերունդները>>:</p> | <p>- Ներկայացնի մարդու իրավունքների զարգացման փուլերը,</p> | <p>Վերլուծի մարդու իրավունքների զարգացման փուլերի նշանակությունը:</p> |
| 7 | <p>Իմանա մարդու քաղաքացիական իրավունքներն ու ազատությունները:</p> | <p>Բացատրի մարդու քաղաքացիական իրավունքների կապը մարդասիրական ու բարոյական արժեքների հետ:</p> | <p>Վերլուծի մարդու քաղաքացիական իրավունքների և ազատությունների, քաղաքացիական, տնտեսական և սոցիալական իրավունքների կապը տնտեսական զարգացման ու բարեկեցության հետ:</p> |
| | <p>Իմանա մարդու քաղաքական իրավունքներն ու ազատությունները:</p> | <p>Դատողություններ անի քաղաքական իրավունքների պաշտպանության և ժողովրդավարության կայացման</p> | <p>Հիմնավորի պարտականությունների և իրավունքների փոխադարձ կապը և նշանակությունը քաղա-</p> |

| | | | |
|------------------------------|---|--|--|
| | | մասին: | քաղցիական հասարակության ձևավորման գործընթացում: |
| | Իմանա մարդու տնտեսական, սոցիալական, մշակութային իրավունքները: | Բացատրի , թե ինչպես են մշակութային իրավունքները խթանում մարդու հոգեկան զարգացումը և մշակութային բազմազանությունը: | Մեկնաբանի մշակութային իրավունքների տեղը այլ հիմնարար իրավունքների ու ազատությունների շարքում: |
| | | 9-րդ դասարան Մարդու իրավունքներ, մաս 2-րդ | |
| 9-րդ դաս., Թեմա 1 | - Իմանա երեխայի իրավունքներ հասկացությունը: - Թվարկի երեխայի իրավունքների վերաբերյալ միջազգային և ներպետական իրավական ակտեր: | Ներկայացնի երեխայի իրավունքների պաշտպանության առանձնահատկությունները: | Մեկնաբանի երեխայի իրավունքների վերաբերյալ միջազգային և ներպետական իրավական ակտերի դրույթները: |
| | Իմանա կանանց և տղամարդկանց իրավահավասարություն հասկացությունը: | Ներկայացնի կանանց իրավունքների վերաբերյալ միջազգային փաստաթղթերը: | Հիմնավորի կանանց իրավունքների և մայրության պաշտպանության անհրաժեշտությունը: |
| | Իմանա՝ - հաշմանդամների իրավունքների առանձնահատկությունները | Հիմնավորի հաշմանդամների և ազգային փոքրամասնությունների իրավունքների պաշտպանության անհրաժեշտությունը: | Մեկնաբանի՝ - հաշմանդամների իրավունքների առանձնահատկությունները - ազգային փոքրամասնությունների իրավունքները, |

| | | | |
|---|--|--|--|
| | -ազգային փոքրամասնություն հասկացությունը: | | |
| 2 | Իմանա մարդու իրավունքների երաշխիքները, թվարկի դրանց տեսակները: | Ներկայացնի մարդու իրավունքների և ազատությունների սահմանադրական ընդհանուր երաշխիքները: | Հիմնավորի՝ - մարդու իրավունքների և ազատությունների պաշտպանության կարևորությունը, - պետության դերը՝ որպես մարդու իրավունքների և ազատությունների երաշխավոր: |
| | Իմանա իրավապաշտպան կազմակերպություններ հասկացությունը և դրանց դերը: | Ներկայացնի ՄԱԿ-ի մարմինների և եվրոպական կառույցների, Կարմիր խաչի միջազգային կոմիտեի գործառույթները մարդու իրավունքների պաշտպանության ուղղությամբ: | Մեկնաբանի Միավորված ազգերի կազմակերպության և եվրոպական կառույցների դերը մարդու իրավունքների պաշտպանության գործում: |
| | Նկարագրի իրավապաշտպան տեխնոլոգիաներ: | Ներկայացնի զանգվածային լրատվամիջոցների դերը մարդու իրավունքների պաշտպանության գործում: | Հիմնավորի իրավապաշտպան կազմակերպությունների և մամուլի համագործակցության անհրաժեշտությունը: |
| | | Գ. Քաղաքացիական կրթություն | |
| 3 | - Իմանա ժողովրդավարության սկզբունքների և արժեքների պատմական զարգացումը: - Տարբերակի անմիջական | Բացատրի ժողովրդավարական պետության բնութագրերը՝ օրինակներ բերելով ՀՀ Սահմանադրությունից: | Բնութագրի ժողովրդավարական ընտրությունները որպես ներկայացուցչական կառավարման հիմնական ինստիտուտ: |

| | | | |
|---|---|---|---|
| | և ներկայացուցչական ժողովրդավարությունը: | | |
| 4 | Իմանա քաղաքացիություն և քաղաքացիական հասարակություն հասկացությունները: | Ներկայացնի քաղաքացիության ձեռքբերման և դադարման սկզբունքները: | Մեկնաբանի քաղաքացիական դիրքորոշման բնութագրիչներ: |
| | Իմանա զանգվածային լրատվության միջոցներ հասկացությունը: | Ներկայացնի զանգվածային լրատվամիջոցների դերը քաղաքացիական հասարակության ձևավորման գործընթացում: | Հիմնավորի տեղեկացվածության անհրաժեշտությունը քաղաքացիական հասարակության ձևավորման գործում: |
| | - Իմանա համայնք հասկացությունը: - Իմանա հասարակական կազմակերպությունների դերը քաղաքացիական հասարակությունում | - Բացատրի քաղաքացիական հասարակության բաղկացուցիչները (հասարակական կազմակերպություններ, խոսքի ազատություն և այլն): - Տարբերակի ակտիվ և պասիվ մասնակցությունը: | - Հասկանա և բացատրի հասարակական կազմակերպությունների տեղն ու դերը քաղաքացիական հասարակության մեջ: - Հիմնավորի հասարակական կարծիքի և խոսքի, մտքի ազատության կարևորությունը: |
| | Իմանա կոռուպցիա հասկացությունը: | Ներկայացնի կոռուպցիայի պատճառները և ձևերը: | Հասարակական կյանքի տարբեր ոլորտներում կոռուպցիայի օրինակներ բերի: |
| 5 | Իմանա պետական իշխանության անհրաժեշտությունը: | Բացատրի օրենսդիր, գործադիր, դատական իշխանությունների ձևավորման սկզբունքները: | Մեկնաբանի իշխանության ճյուղերի տարանջատման սկզբունքի հիմնարար նշանակությունը ժողովրդավարական հասարակությունում: |

| | | | |
|--|---|--|---|
| | | | նում: |
| | <p>Իմանա, թե ինչ է համայնքային հիմնախնդիրը և հանրային քաղաքականությունը:</p> | <ul style="list-style-type: none"> - Հասկանա տարածքային կառավարման և տեղական ինքնակառավարման տարբերությունը: - Ընտրի համայնքային հիմնախնդիրների լուծման այլընտրաքային տարբերակներ: | <ul style="list-style-type: none"> - Մեկնաբանի համայնքային հիմնախնդիրներ: - Վերլուծի համայնքային հիմնախնդիրների վերաբերյալ հավաքած տվյալները: |

Արժեքային համակարգ

Հասարակագիտության ուսումնասիրության շնորհիվ սովորողը պետք է՝

- Գիտակցի հասարակական կյանքի անհրաժեշտությունը:
- Կարևորի իր դերը և պատասխանատվությունը հասարակության զարգացման գործընթացում:
- Արժևորի մարդկանց տարիքային, սեռային տարբերությունները և առանձնահատկությունները:
- Արժևորի ճանաչողության և բանականության դերը մարդու կյանքում:
- Արժևորի հասարակական կյանքին մարդու մասնակցության կարևորությունը:
- Գնահատի սեփական կարծիքի, գիտելիքի և համոզմունքի դերը կյանքում:
- Կարևորի սեփական ինքնությունը և դրա բաղկացուցիչ մասերը:
- Արժևորի արդյունավետ հաղորդակցման կարևորությունը կոնֆլիկտների հաղթահարման գործում:
- Արժևորի տարբեր մշակույթների նմանություններն ու տարբերությունները:
- Գիտակցի համամարդկային հիմնարար արժեքների կարևորությունը:
- Արժևորի պատասխանատվությունը և արդարությունը, ազատությունը, հանդուրժողականությունը՝ որպես ներդաշնակ հասարակական կյանքի հիմնական պայման:
- Կարևորի մարդու իրավունքների, բարոյականության և օրենքի կապը:
- Արժևորի մարդու իրավունքներն ու պարտականությունները:
- Գնահատի մարդու իրավունքների միջազգային պաշտպանության և ՀՀ Սահմանադրության կապը:
- Արժևորի անձնական ազատության և արդարության գաղափարները:
- Կարևորի տնտեսական և սոցիալական իրավունքների կապը այլ հիմնարար իրավունքների և ազատությունների հետ:
- Կարևորի մշակութային իրավունքների տեղը այլ հիմնարար իրավունքների ու ազատությունների շարքում:
- Կարևորի երեխայի իրավունքների վերաբերյալ միջազգային և ներպետական իրավական ակտերի դրույթները:
- Գնահատի կանանց և տղամարդկանց իրավահավասարությունը:
- Կարևորի հաշմանդամների և ազգային փոքրամասնությունների իրավունքների պաշտպանության անհրաժեշտությունը:
- Գնահատի հրապարակայնության և խոսքի ազատության դերը մարդու իրավունքների պաշտպանության գործում:

- Կարևորի մարդու իրավունքների և ազատությունների պաշտպանության երաշխիքները :
- Գնահատի ժողովրդավարություն և ազատություն հասկացությունները, դրանց կարևորությունը իր և հասարակության համար:
- Կարևորի ժողովրդավարության առավելությունները:
- Կարևորի քաղաքացիական հասարակություն և ժողովրդավարություն հասկացությունների կապը և դերը:
- Կարևորի լրատվամիջոցների աշխատանքը:
- Կարևորի հասարակական կարծիքի ազդեցությունը ժողովրդավարական հասարակությունում:
- Գնահատի օրենսդիր, գործադիր և դատական իշխանությունների հիմնական գործառույթները:
- Կարևորի համայնքային հիմնախնդիրների լուծման գործում իր և ուրիշների մասնակցությունը:

ԳՐԱԿԱՆՈՒԹՅԱՆ ՑԱՆԿ

1. Իրավունք. մարդու իրավունքներ, քաղաքացիական կրթություն, պետություն և իրավունք, մեթոդական ձեռնարկ ուսուցիչների համար, 8-10-րդ դասարաններ, Հարությունյան Ն., Վաղարշյան Ա., Տիգրան Մեծ, Երևան, 2001:
2. Հասարակագիտության ուսուցման արդի հիմնահարցեր, ձեռնարկ մանկավարժների համար, Խաչատրյան Ս., Պետրոսյան Ս., Արնաուդյան Ա. և ուրիշներ, Տիգրան Մեծ, Երևան, 2005:
3. Հասարակագիտության ինտեգրված ուսուցում, Պետրոսյան Ս., Խաչատրյան Ս., Խաչատրյան Հ. և ուրիշներ, Լուսաբաց, Երևան, 2006:
4. Ժողովրդավարության հիմնարար արժեքներ. ուսումնական ձեռնարկ 8(9)-րդ դասարանների համար, Խաչատրյան Ս., Պետրոսյան Ս., Տեր-Մկրտչյան Թ. և ուրիշներ, Էդիթ Պրինթ, Երևան, 2005.
5. Ժողովրդավարության հիմնարար արժեքներ, ուսուցչի ձեռնարկ 8(9)-րդ դասարանների համար, Խաչատրյան Ս., Պետրոսյան Ս., Տեր-Մկրտչյան Թ. և ուրիշներ, Էդիթ Պրինթ, Երևան, 2005:
7. Միջազգային մարդասիրական իրավունք, Հանս Պիտեր Գասեր, Ներածություն, ԿԽՄԿ, Երևան, 2003.
8. Հասարակագիտություն. ուսուցման բովանդակություն և դասավանդման ակտիվ մեթոդներ: Թովմասյան Տ., Թոմաս Մ. Թ, Երևան, 2010:
9. Կրթությունն ընդդեմ կոռուպցիայի. մեթոդական ձեռնարկ ուսուցիչների համար: Էդիթ Պրինտ, Երևան, 2010:.
10. Հասարակագիտություն. ուսուցման բովանդակություն և դասավանդման ակտիվ մեթոդներ: Թովմասյան Տ., Թոմաս Մ. Թ, Երևան, 2010:
11. Введение в обществознание. Учебное пособие для 8-9 кл. общеобразоват. учреждений. Под ред. А.Н.Боголюбова. Москва, Просвещение, 1996.
12. Человек и общество. Учебное пособие по обществознанию для учащихся 10-11 кл. общеобразоват. учреждений. Под ред. А.Н.Боголюбова, А.Ю.Лазевниковой, Москва, Просвещение, 1996.
13. Введение в политологию, Учебное пособие для 10-11 кл. общеобразоват. учреждений. Гаджиев К.С., Каменская Т.В., Родионов А.Н., 3-е издание Москва, Просвещение, 1998.
14. Человек, 9 кл. Пособие для общеобразоват. учреждений, Гуревич П.С., 2-е изд. Москва, Дрофа, 1997.
15. Поршнев Б.Ф., Социальная психология и история, 2-е издание, Москва, Наука, 1979
16. О человеческом в человеке, под ред. И.Т.Фролова, Москва, Политиздат, 1991.
17. Гобозов, И.А., Введение в философию истории, 2-е издание, Москва, ТЕИС, 1999.